

2019

*Teuteuga o le Tulafono o le Komisi
o le Toefuataiga o Tulafono*

Nu. 22

SAMOA

Faatulagaina o Aiaiga

1. Igoa puupuu ma le amataga
 2. Ua teuteuina le fuaiupu 2
 3. Ua teuteuina le fuaiupu 6
 4. Ua teuteuina le fuaiupu 7
 5. Ua teuteuina le fuaiupu 9
 6. Ua teuteuina le fuaiupu 10
 7. Ua teuteuina le fuaiupu 12
 8. Ua teuteuina le fuaiupu 13
 9. Ua soloia le fuaiupu 14
-

2019, Nu. 22

O SE TULAFONO e teuteu ai le Tulafono o le Komisi o le
Toefuataiga o Tulafono 2008 (“Tulafono autu”).

[01 Iulai 2019]

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

E mafai ona taua lenei Tulafono o le Tulafono o Teuteuga o le Tulafono o le Komisi o le Toefuataiga o Tulafono 2019 ma e amata faamamaluina i le aso e tuuina i ai le maliega a le O Le Ao o le Malo.

2. Ua teuteuina le fuaiupu 2:

I totonu o le fuaiupu 2 o le Tulafono autu, ia aveese le faamatalaga o le “Komiti Faatino Faufautua”.

3. Ua teuteuina le fuaiupu 6:

Ua suia le fuaiupu 6 o le Tulafono Autu e faapea:

“6. Galuega tauave a le Komisi:

O galuega tauave a le Komisi e faapea:

- (a) ia sailiili ma iloilo auiliili vaega o tulafono ua manatu ua alagatatau ona toefuatai e tusa ai ma faasinomaga -
 - (i) ua faia i ai e le Palemia, Kapaneta po o le Loia Sili; po o
 - (ii) e afua mai i le Komisi lava ia;
- (b) ia feutagai ma, ma fautuaina le atunu lautele e uiga i ana galuega;
- (c) ia tuuina atu lipoti o tuuina atu ai ana fautuaga i le Palemia, Kapaneta ma le Loia Sili; ma fuafua le lomia faasalalau ina ua i ai o le faamaoniga a le Kapaneta;

- (d) afai o fautuaina i totonu o ana lipoti ma i so o se itu o faatagaina i le mafai gafatia, e tusia ai o ata faataitai o tulafono fou po o tulafono toe teuteu po o taiala fuafuaina faaletulafono mo le faamaoniga a le Loia Sili;
- (e) ia uunaia polokalame faalauiroa o tulafono a Samoa;
- (f) ia fautuaina Matagaluega a le Malo ma Lala Sooupu i le faiga po o mataupu o le toe iloiloga o le tulafono o lo o faatautaia e na Matagaluega ma lala sooupu.”.

4. Ua teuteuina le fuaiupu 7:

I totonu o le fuaiupu 7(2) o le Tulafono Autu:

- (a) mo le parakalafa (a), ia suia e faapea:

“(a) ia faatautaia duesuega, saililiga ma faatino iloiloga e faailoa ai poloketi tau le toefuataiga o tulafono po o lipoti i lalo o lenei Tulafono”; ma

- (b) mo le parakalafa (c), ia suia e faapea:

“(c) ia faatautaia feutagaiga ma le atunuu lautele ma saili o latou manatu e uiga i ana poloketi tau le toefuataiga o tulafono po o toe iloiloga.”; ma

- (c) ua soloia le parakalafa (e).

5. Ua teuteuina le fuaiupu 9:

Ua suia le fuaiupu 9 o le Tulafono Autu e faapea:

“9. Matafaioi Tau Lipoti:

- (1) E tatau i le Palemia ona faataatia se ata o le lipoti ua faamaonia e le Kabeneta i lalo o le fuaiupu 6(c), i luma o le Fono Aoao Faitulafono i se taimi vave lava e mafai ai i le tuanai ai o le mauaina o nei lipoti.
- (2) E ao i le Komisi ona tuuina atu i le Palemia, a itiiti mai e faa-tasi i le tausaga, o pepa aloaia nei ua taua:
 - (a) o se fuafuaga auiluma o fuafuaga o galuega a le Komisi; ma
 - (b) se lipoti faaletausaga o galuega ma tupe faaalu a le Komisi.
- (3) E tatau i le Palemia ona faataatia se ata o se fuafuaga o galuega po o se lipoti faaletausaga i lalo o le faafuaiupu (2)(a) po o le (b), i luma o le Fono Aoao Faitulafono i se taimi vave lava e mafai ai i le tuanai ai o le mauaina o sea fuafuaga o galuega po o se lipoti faaletausaga.
- (4) E ao i le Pule ma Suetusi Aoao ona sueina faasuetusi o faamatalaga tau tupe a le Komisi i tausaga taitasi.”.

6. Ua teuteuina le fuaiupu 10:

Ua suia le fuaiupu 10(4) o le Tulafono Autu e faapea:

“(4) E mafai ona tapa se manatu o le Loia Sili i tofiga ua faia i lalo o lenei fuaiupu.”.

7. Ua teuteuina le fuaiupu 12:

Ua suia le fuaiupu 12 o le Tulafono Autu e faapea:

"12. Tofiaina o Komesina:

- (1) E mafai e le Palemia, Kabeneta, Loia Sili, po o le Komisi ona tofia se Komesina po o ni Komesina e faafoe po o le lagolago i poloketi tau le toefuataiga o tulafono.
- (2) So o se tofiga ua faia i lalo o le faafuaiupu (1) e ao ona faia e tusa ai ma taualumaga i lalo o so o se tulafono po o so o se tulafono faatonutonu ua faia i lalo o lenei Tulafono.
- (3) O galuega a le Komesina e ao ona faia e tusa ai ma so o se manaoga po o tuutuuga o galuega ua faaee atu e le Palemia, Kabeneta po o le Loia Sili.”.

8. Ua teuteuina le fuaiupu 13:

Ua suia le fuaiupu 13 o le Tulafono Autu e faapea:

"13. Tofiaina o Tagata Faufautua:

- (1) E mafai e le Komisi ona tofia se Tagata Faufautua po o ni Tagata Faufautua e fesoasoani i le Komisi i poloketi tau le toefuataiga o tulafono.
- (2) So o se tofiga ua faia i lalo o le faafuaiupu (1) e ao ona faia e tusa ai ma taualumaga i lalo o so o se tulafono po o so o se tulafono faatonutonu ua faia i lalo o lenei Tulafono.
- (3) Afai ua lagolagoina le Komisi e se tagata faufautua ua tofia i lalo o lenei fuaiupu, e ao i le tagata faufautua ona faatino o sea galuega ma gaoioiga e pei ona faatonuina e le Pule Faatonu.”.

6 *Teuteuga o le Tulafono o le Komisi
o le Toefuataiga o Tulafono*

2019, Nu. 22

9. Ua soloia le fuaiupu 14:

Ua soloia le fuaiupu 14 o le Tulafono Autu.

O le Tulafono o Teuteuga o le Tulafono o le Komisi
o le Toefuataiga o Tulafono 2019 o lo o faafoeina
e le Komisi o le Toefuataiga o Tulafono a Samoa.

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**